

Diedáhus

## HÁLDI - Rájáid rasttildeaddji ovttasbargoguovllu hábmen



Suoma alimus čohka, Hálđi, birastahtti duottarguovlu lea hui dehálaš dan luonddu- ja kulturárvvuid dáfus. Guvlui leat vuodđuduvvon mánga iešguđet luonddusuodjalanguovllu goappat beale riikkaráji. Suoma alimus čohkan Hálđi lea leamašan maid mearkkašahtti turismačuozáhat 1920-logu rájes. Dál riikkaidgaskasaš turisma lea sakka lassánišgoahtán sihke Gilbbesjávri turismaguovddázis ja maid Norggas. Dát lea ealáskahtán guovllu ealáhusdoaimmaid, muhto maid hehtten guovllu luonddusuodjaleami ja dagahan ruossalasvuodaid guovllu árbevirolaš eanangeavaheami ja dasa laktáseaddji sámi kultuvrra dáfus.


Hálđi-fidnu mihttomearrin lea lágidit lávga, doaibmi, guhkesáigge ja rájáid rasttildeaddji ovttasbarggu sidjiide, geat dikšot guovllu ja maid eará doibmiide, dego virgeoapmahaččaide, dutkiide, turismafitnodatdoliide ja guovllu servošiidda. Fidnu doaimmaid oktasaš mihttomearri lea hukset vugiid guovllu bistevaš geavaheapmái luonddu- ja kulturárvvuid dáfus. Fidnu vuojuolvvá rájáid rasttildeaddji bálvalusaid ovddidahttimii ja čuolmmaid čoavdimii.

Proševtta jođiha Meahciráđdehus Luonddubálvalusat Lappi. Eará ovttasbargoguoimmit leat:

Luondduriggodatguovddáš LUKE  
Reisa álbmotmeahci ja Raisduottarháldi eanadatsuodjalanguovllu stivra  
Hálđi luondduguovddáš  
Gáivuona gielda  
Romssa universitehta



Proševtta čuožahatguovlu lea Giehtaruohtasa meahcceguovllu davveoassi Suomas ja Reisa álbmotmeahcci ja Raisduottarháldi eanadatsudjalanguovlu Norggas. Dasa lassin guvlui gullet dáid oktavuodát Gilbbesjávraí, Gáivutnii ja Storslettii. Guovlu lea sámiid ruovttuguovlu. Fidnus eai vuodđuduvvo odđa luonddusuodjalanguovllut eaige dálá njuolggadusat nuppástuvvo. Fidnu čuovvu maiddái guovlluid virggálaš dikšun- ja geavahanplánaid, eaige odđa geinnodagat dahje ráhkadusat huksejuvvo.



Fidnu bistá 1.3.2018 - 31.5.2020. Fidnu lea juhkkujuvvon viđa bargoollislašvuhtii, ja daid jodiha okta bargoguimmiin: gulahallan, jodiheapmi, Háldi ovttasbargoguovllu lágideapmi, galledeaddjiplána čállin ja báikedihtui laktáseaddji bargoreaiduid ovddideapmi. Guđege bargoollislašvuodas lea mánga iešguđet doaimma. Fidnu deháleamos bohtosat leat:

Guovllu dikšuid ja eará doibmiid gulahallama ja ovttasbarggu buorideapmi.

Oktasaš galledeaddjiplána, man vuodđun lea guovllu luonddu- ja kulturárvvuid bistevašvuhta.

Oktasaš ja oktilaš gulahallan- ja oahpistanmateriálat, dego kárttat, fierpmi bálvalusat ja luondduguovddáziid čájáhusat.

Divššu ja hálddašeami bargovuogit, mat vuodđuduvvet odđa báikedihtuid čoaggimii ja analyseremii.

Europarc-sertifikahttii vuodđuduvvi Halti Transboundary Park vuodđudeapmi.

Fidnus adnojit ávkin sullasaš Transboundary Park -vásáhusat, dego Suoma, Norgga ja Ruošša ovttasbargu Anár-Pasvik ja Oulanka-Paanajávri. Dasa lassin fidnu atná ávkin BuSK (Building Shared Knowledge) - fidnu bohtosiid, man várás čoggojit dieđut guovllu geavaheami ja geavaheddjiid birra odđa báikedihtogaskaomiiguin. Boahhteáigge ovttasbargui bovdejuvvojit maiddái ruohtelaš doaimbit.

Fidnu ruhtadeaddjit leat Eurohpá Uniovna Interreg Davvi -prográmma, Suoma ja Norgga stáhtat ja prošektaguommit. Oppalašruhtadanoassi lea Suomas 417 557 € ja Norggas fas 543 669 €.

Lassedieđut:



Pertti Itkonen, prošeaktahoavda, tel +358 400 193647, email [pertti.itkonen@metsa.fi](mailto:pertti.itkonen@metsa.fi)  
Rune Benonisen, meahcihoavda, tel +47 90660709, email [fmtrrub@fylkesmannen.no](mailto:fmtrrub@fylkesmannen.no)

